

OMUKWETU




Oshifo shOngerki onkwaevangeli paLuther yomOwambokavango/Die Tydskrif van die Evangeliese Lutherse Ovambokavango Kerk

No. 21

NOVEMBA

1967

OMUWA JESUS OYE ELIKO LYAALUHE



Joh. 6: 37-40.

Jesus Kristus, omuvallelwa komushiyakano.

Motekisti ndjika Omuwa gwetu Jesus Kristus ota tseyithile uuyuni kutya, ehalo lyaKalunga olyo ndika aantu ayehe ya hupithwe.

Ehupitho ndika inali ikwatelela palwe, aawe, omokwiitaala Jesus Kristus amuke. Shaa ngoka e mu itaale oye ota hupithwa nota yumudhwa esiku lyahugunina. Muuyuni omwa kala ompumbwe onene, oyo elago lyokomwenyo. Ihe ethimbo sho lya thikana, Kalunga okwa tumu Omwana Jesus Kristus e ye kombanda yeve, opo shaa ngoka te mu itaale a mone omwenyo gwaaluhe.

Kalunga a gandja eliko lyaaluhe kaantu. Eliko olyo oshinima shiholike kaantu ayehe, ihe eliko ndika Jesus ina li dhimbululwa kwaayehe. Ano ngaashi sha li maayuda ina dhimbulula Jesus kutya, oye eliko enene lyaaluhe, osho shi li po nonena mokati ketu. Ongaashi kwa nyolwa muJoh.1:11-12 tadhi ti: "Oye kwe ya kaandjawa naamboka yaandjawa inaye mu taamba. Ihe mboka ye mu taamba, okwe ya pe oonkondo ya ninge aana yaKalunga, omboka yi itaala edhina lye."

Ano nonena ope na oongundu mbali. Ongundu yooitaali nongundu yaakaaneitaalo. Ou li mu yini po? Ngiika oto yamukula ndje to ti: A, ngame omukriste. Keshi ndi li tuu mwaandjoka yi itaala! Ihe otandi ku pula natango: Owiitaala tuu Jesus, nenge pamwe owiitaala egongalo? Mbeyaka kwa tiwa inaye mu taamba, kaya li aapagani aawe, oyo aayuda, ano aakwashigwana shaKalunga. Yoolola Omuwa Jesus negongalo, oye ota ti: Shaangoka te ya kungame itandi mu ekelehi. Ila tu ye ano kuJesus tu hupithwe.

T. Heita.

Djeimonapo Kornelius, Transvaal, otati: Kamu shii shi one otempeli yaKalunga, Ombepo yaKalunga nokwa kala mune? IKol.3:16.—Omuye nane wo mwa uvu oohapu dhoshili evangeli lyehupitho lyeni, omwa ndhindhilikwa oshihako shombepo Ondjapuki omuuvanekwa. Kaleni ano mwa kotoka, mwaa nikithe Ombepo ndjika uuthigwa.

Filippus Namholo, Tsumeb, ota nyola: Ovakomesho aveshe muTsumeb ngaashi: oohamushanga, ovatoloki, ovahakuli, ovapolifi, ovataleli, eelata dolukanda nookamukomboni, atushe otwa ningilwa otundimbibeli mafiku aa, ye tu tunga shili keemwenyo.

Omushamane E. Angula, P. Laukanen ove tu popifa. Onda koneka nee kutya, mboli oshilonga keshe oshayandjwa kuKalunga. Ngenge oto shi

longo to ti ame kandi fi omuhongi nosho tuu, oto puka. Ava atushe tu na oilonga youkomesho, tu longeni nouidiinini, osheshi ohatu ka pulwa shihapu. Vali eshi tu li komesho yavakwetu, otu yakule oshiwana shaKalunga. Tu ongeleni, inatu halakanifa. Ou to taa ovanhu apa ho longo, oto halakanifa. Ou to yakula ovanhu, oto ongele. (Filippus Namholo, oye ofolomana yakula ikulu yaTsumeb).



OMUKWETU

NOVEMBA 1967

KATUTURA PONDJO-NDJO

Momukwetu wefimbo la ya, omwa tumbulilwe kutya, ope noididiliki tai holola kutya, olukanda olo la lukwa kOvawambo "Omuwilikita" lopOndjondjo onali ka tembuke po. Nani tashi ningi shoshili, osheshi ovakali vapo ova shiivifilwa nokuli kuyela kutya, nava dje po nokutembuka po kwa hovelanokuli.

Kwa konekwa, oupaani ukukutu noupe nomakolokoto a pangela onhele oyo. Ekako neembuto oda ndubala po yo. Onghe etembukepo otali xulifa po yo sha shihapu itashi pumbiwa sha kala nale ponhele oyo.

Djeimonhapo Kornelius, Libanon, Transvaal, ota hambelele Kalunga eshi Ongerki yOwambokavango ye va tumina omuudifi, omwevangeliste Oiva Shikuaja wokOkavango. Djeimonhapo ota ti: Shikuaja okwa fika nawa. O-twe mu kunda nombili nde okwa hovelailong. Otwa hambelele Kalunga, osheshi twa indila nale tu pewe omuyakuli ndele paife eindilo letu ola udika.



Max ta longekidha oshigongi shaagundjuka

NGOYE OWA ZI KO NASHIKE

Aagndjuka yaali mokuza koshigongi shOngerki ayihe kOnakayale, oya kundathana ngeyi:-

A: "Omolwashike ano wa kanitha enyanyu, B? Hasho nande wali, sho twa yile huka."

B: "Kuume, kandi uvite nawa, sho twaa na wo tuu mpo twa sindanene miigongi mbika. Unene mokwiimba twa fa ngaa tu vule oye-ndji, ihe aawe."

A: "Yakwetu hamwa sindanene mehokololo kEndola! Tse wetu mwene wo tuu mongundu yaasindani, kakele konena?"

B: "I, mehokololo mu twa li aatiyali! Esindano ndyono? Ngame ngashingeyi onda hala nokuli ndi ka kumagidhe yakwetu, twaa ye we kiigongi yawo. Onda kumwa nokuli ne sho ihaamu suunye okuya miigongi mbi."

A: "Andiya ndi ku yelithile kashona shoka hashi tu tula omukumo okuya kiigongi: Ngame tangotango ohandi nyanyukilwa ompito yoyene yokuya ko, oshoka kayi shi yomuntu kehe. Oyo ompito yokwilinga iinima oyindji iipe noya simana, ngaashi omaha naantu niilinga yawo."

"Moshigongi shoshene ohandi ilongo oshindji: Otandi ilongo omahokololo nomaimbilo omape. Ohandi kongo nokuli aluhe ekwathathano nookuume yomagongalo gi ili nogi ili miitayingerki ayihe. Ando ethimbo hali gwanene ndje, ando tandi ikongele okuume megongalo kehe, opo ndi kundane, nkene ye li nonkene taa longo momagongalo gawo."

"Ndi ilikolele nokuli ookuume oyendji pamukalo nguka nonda kundana wo oshindji. Ondi ilandele nokuli okambo moka handi nyolele oonkundana dhandje. Unene ondi nondjuulukwe nenota okuuva mbyoka hayi etele yakwetu omasindano nenge okwaasindana. Kuu-

OSHIPONGA SHODILA, 66 OVA FYA

Rhodos:- Odila yOvaingilisha, ya li tai tuka kombada yefuta lopokati moule weefute 29,000, oya mbolokotela mefuta novakalimo aveshe ofilu. Otaku konakonwa, ku talike oshike sha eta oshiponga. Omidimba dimwe da monika nde da twalwa monhunhu Ciprus.

me gumwe okwa hokolola nkene ye nekwathathano ewanawa neinekathano moshigongi shawo. Omuwiliki gwawo okwa pukululwa nawa moonote nomewiliko lyaagundjuka, ihe okwa taamba kuKalunga Ombepo yeifupipiko. Oha pulakene nawa noha taamba omapukululo agehe. Unene oye mu hole aniwa, sho i inekela aalongi mboka ye li moshigongi, onkee iinima yawo hayi ende nawa melandulathano. -Kuume gumwe okwa yemata unene, sho nohela aniwa ya imbi ya geya, omolwontamanana tuu dhawo nomuwiliki gwawo."

"Itandi vulu okuhokolola mpaka ayihe nde yi kundana kookuume oyendji nonde yi ilikolele mootundimbimbela n o m o m apopithokundo gaayenda. Pafupi otandi ti owala: Kalunga na hambelelwe!"

B: "Omolwashike mbela u nokwiihepeka ngeyi, sigo wa landa nokambo kokunyola? Inashi gwana, sho to pulakene?"

A: "Unene onda thiminikwa kiinima iyali: Tango onda dhiladhila ooyakwetu mboka twa thigi kegumbo. Sho tatu ka pewa olufo lwokuhokolola shoka twa mono, ngame ondi na sha sha yela. Ohatu kundathana wo nayakwetu muuwike nomongundu, nondi wete oshe tu humitha komeho moondunge nomombepo. Otu hole ngashingeyi oshigongi shetu, noyendji oye nehalo okuya kiigongi, nando itaa sindana. Elunduluko lya monika wo momuwiliki gwetu, onkee twa imbi nawa nuumvo, omolweuvathano."

"Oshinima oshitiyali onda hala okudhiginina iinima mbika yi nondilo noya pumba. Otayi ka kwatha ndje komeho notayi ka kwatha wo ooyakwetu. Ndjika kuume, onde yi tala oyo ompito yelago lyandje okuhokolola Jesus."

B: "Ehokololo lyolyene kuume olya yelithile ndje mpoka hapu tu zile uunkundi: Otu nelalakano kaali neyambeko, oshoka ohatu idhildhila owala tse yene. Ishewe otwa topolwa nayi kombepo yuunsa, onkee iinima tayi ende nayi aluhe pombambo. Kanda li ndi uviteko nge tatu pewa uusama, onkee omauwanawa agehe giigongi ga pitilile ndje po noga pitilile po oyendji yomegongalo lyetu. Ekwatho we li pe ndje ngashingeyi olyooyakwetu wo. Kalunga na hambelelwe kuume!"

Omuleshi, Jesus ta ti: "Nangoye wo inda u ka ninge ngaaka." Luk.10:37b.



“Otwa hala okuhambelela Kalunga sho e tu thikitha moshituthi shetu shohango. Otwe yi dhana nawa. Otwa hala okweenda pahalo lyaKalunga mokukalamwenyo kwetu.” Osho Filemon naVeronika Moongo ya tumbula moshituthi shawo. Mefano oye li pamwe niinkumbi yawo.

VA HAFIFA OVAKU- LUNHU VAVO

Eti-9/7/67. Tate Abisalom Naulondo e tu ifana kehombolo kOmaruru omona, Maria Naulondo, ta hombolwa kuShatimwene Abraham wokuWindhoek. Ovaenda vehombolo ova dile kuWindhoek, Usakos, Tsumeb, Swapo-mund, Walvisbaai.

Ovaenda vehombolo, pamwe neongalo va ongala nawa melongelo-Kalunga. Omufitamuhombolifi Jason Haufiku a popifa ovaenda kumwe neongalo kutya, oukriste oo tau teelwa momukriste keshe, oyou womuKristus.

Osho ngaha a udifa otekisti yOshondaha oyo melaka lovadalelwa mo. Omufita ou, a li yo a mona exwamo lOmhepo lyapuki, nde ehombolo eli la pewa ekoleko lawana lOmufita omukulunhu Jesus. Osho yo ovakumaidindjovo va landula ko, ve tu ulukila Jesus Kristus.

Ta! Maria Naulondo, osho ka kala ka ndjanga ka fa omandobo okombuwa. Shatimwene iha popiwa, ongaashi ovahona vooKole, ta! Ou tate A. Naulondo naMeme Rosalia va hafa, va shambukwa. Efiku olo ova li ngovanyasha, ngonhanguda tai ka wana.

Mboli ovakulunhu ihava lotokifwa koshinima keshe aye, nde ehombolo ola mana. Ovakulunhu ava va li po, ove li popila tava ti o, ngeno okaana kangee. Ka kale yo tu ngava. Omukulu wonale a tile, sha wana metiti omukuluntu he shi yandje. Nonale ovakulunhu ovo hava tokola efundula.

Meendjovo daKalunga ohatu hange mo: Kape na ou ta dulu oku likufila, okukala shapu ta pewa. Omunyasha ngenge te uya kovakulunhu e lipa nale ehombolo ovakulunhu o-tava kala va fyohoni.

Shatimwene ou, oye nga a popya ehombolo, nde okwe shi ninga pamwe novakulunhu vaye. Oinima aishe oya udafanwa nawa kovakulunhu tete.

Hai ti; ove owe shi ninga nalye? Ovakulunhu voye owe va hafifa na shike?

Malakia Hauuanga
Tsumeb.



Maria naShatimwene moufuko

EGUMBO LYEGONGALO MOMBAYE

MOMBAYE omwa tungwa egumbo epe lyegongalo. Olyo ewanawa lyomala gahamano. Elalo lyegumbo lya ningwa 27/7/67 notwa li nenyanyu. O-pwa gongala aantu oyendji nopwa leshwa Eps. 127. Omusitagongalo Metusalem Shilongo ota lala ngashingeyi megumbo ndyoka.

Omusamane Kefas Kati nameme gwe Helena Kati, oya gandja kegumbo ndika omagano oshitaafula oshivanawa noshipundi shasho, mbyoka ito yi vulu okulandela megumbo lioye shoka oyondilo. Ayihe ya ningwa okusimanekitha Kalunga.

Ev. Benjamin Shuuveni.

NOONGENDJO WO OTADHI TU DHIMBULUTHA, OTATU ITHA- NWA MEGULU

Shaa ongerki tu yi na, nenge shaa eha mpoka tuna ongerki, opo wo pena oshiyela oshikushu hatu shi ithana ongendjo. Ongendjo sho tu yina pingeri otu yi na oku tu dhimbulutha esiku lyOsondaha kutya, ngashingeyi ethimbo olya toka lyokuya kongerki, oku ka uva oohapu oontoye dhokuhupitha omwenyo.

Otatu kumwa kutya, nani oongendjo sho tu dhina katu dhina owala oku tu lombwela ethimbo lyongerki yetu yokombanda yevi. Nani oya fa wo tayi tu ulukile kutya, otu na ongerki ndjoka onene Jerusalem shomegulu egumbo ndyoka lyaaluhe moka atuhe tatu lalakanene mo. Ongendjo sho tayi tono tuye komambo, oya fa wo tayi lombwele: Omwenyo, oto tegelelwa komambo gaaluhe megulu. Otayi tu ithanene koondjimbo nokewi tali nge-lengendja koshiuvithilo. Otayi lombwele wo: Omwenyo, owa tegelelwa koondjimbo dhaaluhe dhi li megulu. Tu dhimbulukwe ano ewi lyaTate Kalunga tali tu ithana tu ye muukwaaluhe ongongendjo tayi tu ithanene mongerki.

B.K.Ashipala.

OFABULIKA YOSA- MENDE TAI KA TUNGWA

Oya kala ya teelwa nalenale i tungwe nde i yakule ovanhu. Paife osha kundafanwa nde sha tokolwa, ofabulika yosamende i tungwe popepi na Usakos-Karibib.

ETHIGATHANO LYAAGUNDJUKA MOSHIGONGI SHAWO MUNAKAYALE
28/9-1/10/67 OMOLWOSHILONGA SHETUMO

Aagundjuka yongerki okwa E L O K oya tameke nale ehanganano lyawo omolwoshilonga shEtumo. Oya indile aayevangeliste yaali yo ya fute oondjambi dhawo oyo: Edward Nghimwena kuKongo naFrans Kankondi kUuni-ninginino. Ngaashi ye shi ningi nale okugongelela Etumo iimaliwa, osho ya ningi moshigongi shawo shonuumvo e-thigathano. Otatu mono nkene ehwamo lyaagundjuka tali hedha aluhe komeho. Omathigathano gonuumvo oga li ngeyi:

Tango natu taleni omagongalo mOshitayingerki kehe nkene ga thigathana. Natu tameke noshitayingerki shUu-ninginino. Osha gongele ngeyi:

1. Nakayale.....	R600.00
2. Okahao.....	R300.00
3. Tshandi.....	R220.00
4. Elim.....	R200.00
5. Niimwandi.....	R180.00
6. Onangalo.....	R140.00
7. Ogongo.....	R101.00
8. Onesi.....	R 82.00
9. Etilyasa.....	R 80.00
10. Onawa.....	R 75.00
11. Onaanda.....	R 62.00
	<u>R2040.00</u>

Etundamindamba.....	R 32.00
Shafingwa nomeendjila.....	R 17.00
Uutsathima.....	R 1.00
	<u>R 50.00</u>

Kumwe.....

R2090.00

Moshitayingerki shUukwanyama omagongalo oga thigathana ngeyi:

1. Ongenga.....	R220.50
2. Engela.....	R203.36
3. Olupandu.....	R139.60
4. Endola.....	R127.00
5. Okalongo.....	R116.56
6. Onheleiwa.....	R111.88
7. Ohalushu.....	R108.20
8. Ondobe.....	R 77.18
9. Kongo.....	R 71.80
10. Edundja.....	R 60.00
11. Onguediva.....	R 53.50
12. Eenhana.....	R 36.05
13. Omundaungilo.....	R 36.00
14. Okatope.....	R 15.25
	<u>R1376.88</u>

Kumwe

R1376.88

Moshitayingerki shOndonga oya thigathana ngeyi:

1. Eheke.....	R140.00
2. Oniipa.....	R102.67
3. Onyaanya.....	R 61.57
4. Oshitayi.....	R 58.50
5. Oshigambo.....	R 46.77
6. Olukonda.....	R 44.00
7. Onayena.....	R 36.42
8. Okankolo.....	R 31.65
9. Okaku.....	R 25.00
10. Omuntele.....	R 20.00
11. Ontananga.....	R 18.94
12. Oshaango.....	R 10.00
	<u>R595.52</u>

Kumwe-----

R595.52

Oshitayingerki shaKavango sha gongele ngeyi:

1. Nkuring-nkuru.....	R 32.89
2. Mpungu.....	R 24.80
3. Rupara.....	R 16.80
4. Mupini.....	R 0.62
Kumwe-----	<u>R 75.11</u>

Aagundjuka yokOshaanda nayo wo oko ya li oya gongele shithike mpaka: R 4.55 oohema 2 nokambu-
lukweya.

Aagundjuka oya eta kehe gumwe omolwomandhindhiliko 10c na oosenda 30c omolwomalweendo kumwe o-
dha ningi R201.80

Aagundjuka oya ningi ongalo omolwombako yawo yi longithwe miigongi. Ongalo ya eta: R 50.73

limaliwa ayihe kumwe ya gongelwa moshigongi shaagundjuka oyi thike: R4,394.60

Omagongalo ngaka ge vule omakwawo mokugongela mOshitayingerki shUuninginino ogo:

1. Nakayale.....	R600.00
2. Okahao.....	R300.00
3. Tshandi.....	R220.00
4. Elim.....	R200.00
5. Niimwandi.....	R180.00

Omagongalo ngoka ge vule omakwawo mokugongela mOshitayingerki shUukwanyama ogo:

1. Ongenga.....	R220.50
2. Engela.....	R203.36
3. Olupandu.....	R139.60
4. Endola.....	R127.00
5. Okalongo.....	R116.56

Omagongalo ngoka ga gongele ge vule omakwawo mOshitayingerki shOndonga ogo:

1. Eheke.....	R140.00
2. Oniipa.....	R102.67
3. Onyaanya.....	R 61.57
4. Oshitayi.....	R 58.50
5. Oshigambo.....	R 46.77

Omagongalo mOshitayingerki shaKavango ge vule omakwawo ogo:

1. Nkuring-nkuru.....	R 32.89
2. Mpungu.....	R 24.80

Omagongalo omulongo ga gongele nawa mOngerki ayihe ogo:

1. Nakayale.....	R600.00
2. Okahao.....	R300.00

Etsikilo kep. 6.

odha zi kep.5

3. Ongenga.....	R220.50
4. Tshandi.....	R220.00
5. Engela.....	R203.36
6. Elim.....	R200.00
7. Niimwandi.....	R180.00
8. Eheke na Nangalo aakwanambwiyu.....	R140.00
9. Olupandu.....	R139.60
10. Endola.....	R127.00

Omogongalo ngoka ogo tsuu miitayingerki:

Oshitayi shUuninginino.	
Nakayale.....	R600.00
shUukwanyama:	
Ongenga.....	R220.50
Shondonga:	
Eheke.....	R140.00

Konakayale okwa li "gwandhimbo ta dhenge gwa gonga"

1. Oshitayingerki shUuninginino nonuumvo osho shotango, sha piti sho, nontsi oyo waa wete.
2. Oshitayingerki shUukwanyama nuumvo sha kutha ko oongaku osho oshitiyali.
3. Oshitayingerki shaNdonga sha thigilwa neluwa lyuupadhi nuumvo osho sha hugunina.

Ope na wo aamwameme yokOkavango tatu ya pandula shili sho ya kondjo nomomathigathano ngaka. Otatu hambelele Kalunga omolwawo sho ya mono ompito okukala moshigongi shaagundjuka shOngerki ayihe oyendji nuumvo, oya gandja omukumo ogundji.

Nakayale a kondjo shili e vule omogongalo agehe okugongelela oshilonga shEtumo iimaliwa. Atuhe twa dhi-
mbulula "Nyenti iha dhininwa peumba lye." Kalunga na hambelelwe sho ta longitha aagundjuka, ta pula oonkondo
dhaagundjuka. Aagundjuka aaholike, "Kalunga ke shi omugoyokithi a dhimbwe ando oshilonga sheni"

"Ongame nde mu shangele, one aagundjuka, oshoka one aanankondo, noohapu dhaKalunga tadhi kala mu-
ne, one nomwa sindi omwiinayi." 1Joh.2: 14b.

P.Shipena.

ESIKU LYOYE LYA ONDA KUMWA KO- HUGUNINA UUNAKE? SHINIMA SHIMWE NDE SHI UVU

Uuyuni wowene owu lipo uuwana-
wa. Nota wu tu heke. Oshoka manga
omuntu e li po omugundjuka, itadhi-
ladhila manga kutya onakuzamo muu-
yuni mbuka. Edhiladhilo lye ondika
kutya, otaka sa ngele a kulupa.

Kuume, natu ze mo moomposi.
Oshoka katushi uunake Omuwa te tu
kutha muuyuni mbuka. Pamwe omuu-
nona woye, nenge mugundjuka nenge
mukulupe woye. Oshoka Jesus mwe-
ne moohapu dhe ota ti: Ngaashi olwaa-
dhi talu shela kuuzilo sigo okuuningi-
nino, osho okuya kOmuna gOmuntu
ku li. Nenge otali ya ngaashi epathimo
lyeho.

Omukwetu omuholike esiku lyo-
ye otali ku adha wa tya ngiini?

Pamwe elalakano lyoye okulya
nokunwa ashike? Ino lesa nani omu-
yamba nguka, sho ta lombwelwa o-
mwenyo gwe kutya, omwenyo gwa-
ndje, lya nwa ngu nyanyukwe. Kali
e shi kutya onaku za mo muuyuni
mbuka. Jesus okwe mu lombwela ngi-
ni? Egoya ngoye, uusiku wonena o-
mwenyo gwoye oto gu kuthwa Luk.
12:19. Omukwetu omuholike, elalakano
lyoye neipopilo, kehe esiku nali kale

MOsondaha yetu mongerki yetu
Onguta pOndjondjo mOndonga, on-
da uvu komuuvithi gumwe kutya:
Omuntu kehe ou na omuyengeli gwo-
ye gwegameno. Oye he ku gamene
kiiponga ayihe tayi vulu yi ku yone
po.

Osho nde shi ipula onda ti: Oi,
aayengeli ye li nduno miilonga iidhi-
gu. Tala ngaa u tale iilonga yetu mpo-
ka yi thike. Oha kala mbela u uvite
ngiini kiilonga yetu? Ohatu ya vulitha
nomikalo dhetu omiwinayi dhaa shi
okuyalulwa ngaashi: Okahalu konya-
ma, okwaanombili, ondumbo, efupa,
okuyugathana, iifundja, osho nosho.
Yaye nkene iinima yi li po oyindji.
Mukwetu oho shi tile ngiini?

Petrus Kangombe, Okahao.

ndika kutya: Ondi li tuu mondjila
yehupitho?

Omuwa tu longa okuyalula oma-
siku getu.

Fiina Hango.



Imuna tayi hugilwa uuudhigu omo-
lwenota. Owu uvite tuu enota lyoko-
mwenyo?

OUNYUNI OTAU TONGO SHIKE

ESHIIVIFO KOVALU- MENHU AVESHE VAKULA

Modula tai uya 1968, kofikola yovalumenhu vakula kEenhana oku na etambulo loalongwa vape. Okwa halika ovalongwa vahapu neenghono. Onghe ovamwameme amushe mu li mOwambo nOkavango nokOmaonda, lilongekideni oshimati mu uye ketameko.

Etelela yo ombapila yeongalo leni.

Dimbuluka yo u ha hepife efilonghenda eli wa pewa manga pe na omhito.

Paavo Hamutenya.

OVANHU VAHEYALI VA FYA MEENDJILA

PuGobabis omulaule umwe a londa okafangufangu, okwa lyatelwa mondjila koshihauto nde okwa fya. Pahokololo, omulaule okwa li a londa okambashikela ta di modoolopa ta i kolukanda. Opo kwa dja oshihauto tashi shingwa komupolifi omulaule nde she mu tyanghula.

MuWindhoek, omutilyane umwe, omushamane J. P. Vos, okwa lyatwa koshihauto, sha li tashi shingwa komulaule. Ovanhu vamwe va fya natango koiponga yoihauto. MOmbaye omwa kundanwa kutya, oihauto ivali oye lidenga mumwe, novalaule vatano ova mona oshiponga.

OSHIHAUTO SHEFI- YAFANEPO SHA DI- PAA OVANHU VANE

MuLas Palmas mwa kundanwa: Ovanhu vane, va li tava tale efiyafanepo loihauto la ningilwe muLas Palmas omafiku aa, ova lyatwa koshihauto shimwe nde ova fya. Oshihauto osha dja mo mondjila nde osha yuka mongudu yovanhu ovo va ongala okutala nde osha dipaa ovanhu ava.

OVAWAMBO VA KWATWA

Ehangano laCDM okwa hokolo-lwa, la kwata Omuwambo nde ova hanga e na ouwe (Diamante) ve li 146, vondilo yoimaliwa ihapu. Umwe opo a kwatelwe a hangika e na ouwe 250. Ei aishe otai konakonwa nawa kopolifi.

AAWAMBO YANE YA GEELWA

Aawambo yane yomuWindhoek, oya pangulwa komupanguli Muller gwaWindhoek. Oya pangulwa sho ya kwata okakadhona okambaatili noya lala nako koonkondo, Omupanguli okwa ti: "Ne otamu dhimbulutha ndje naanaa niilonga yeni ya tya ngaaka, omikalo dhoombwa." Oya pewa shaa ngoka oomvula ne nokudhengwa noongola. Oye shi ningi muMai gwomvula ndjika.

OVADALI TAVA KONGO OKA- NONA MOIXWA, NANI OKAA- NA OKE LI METALE

Ovanhu 2 ova li tava kongo okaana ve he ka wete, okamati kedina Christiana Dames, nani oka fila momeva eenghatu 20 okudja peumbo lofaalama Graawater puGochas. Okwa diladilwa tete okaana oka ya ashike moixwa, ndele konima oluhodi le uya eshi ovadali pamwe noonakukonga va mona omudimba wokaana metale.

OMULUMENTU OKWE LIYASHA KONIMA ESHI A YASHA OUNO- NA VAYE VATATU

Okwa hokololwa, omulumenhu umwe omutilyane womuRondebosch, a li omuhongifikola, okwa yasha po ovana vatatu, oumati vaye vavali nokakadona nde, opo ye mwene yo okwe liyasha momutwe nokandjebo komondjato Omidimba ode lituwa kokanona kamwe ka li taka tyava. Ova-polifi ova mona moshihauto okandjebo.

OTWA GAMENWA

Konyala twa mono oshiponga, ihe Kalunga okwe tu gamene. Esiku limwe oshihauto tandi shi hingi, nondjila ya li nomuthenu, osha thenunuka lwani-ma. Onda kondjitha ndi ze mo mondjila, ihe omuthenu gwa dhingolokitha omagulu agehe, oshihauto nosha lala olupati. Otwa pitile mekende noinatu mona oshiponga. Otatu hambelele Kalunga.

EKWATHELATHANO- TSEYITHO

Ondi na onkayi yiimaliwa, ndi na iilya ya hala iimaliwa. Molata ote koshitha 60c. Ila mbala kooMauno Nikomus, Omandi Store, Ogongo, Uukwambi. Ondi niilya yi thike poolata 300.



Omutoolinghundana a pula omukulukadi Johanna, to mono mefano: "Oshike hano mwa tya ngaha?" "Omulumenhu wange okwa taataa nge, ina hala nge vali, nounona ine va hala okwe tu taataa atushe. Otu nonghai nondjala nde inatu kola nande. Otu li ashike mokaumbo kameme," osho omukulukadi ou meongalo Okatope a hengwa okwa nyamukula. Otwa shiiva, oudu woshinamenena noulunde, ei ohai teyaula po eehombo. Tu va ilikaneneni.

ONGHOLWE YA FUTIFWA

Ombaatili imwe Henry Plaatjies muKeetmanshoop, okwa monika etimba komupanguli B. L. Bestbier nde a futifwa R25 ile omafiku 50 modolongo, eshi a monika a londa okafangufangu a kolwa. Ava tava shingi eembashikela va kolwa, kumwe naovo tava shingi oihauto va kolwa, epangelo otali va kwata nde otali va talifa okalaule.

Mauno Elia, Okalongo, ota ti: Kalunga na hambelele shili. Efiku eti-6.10.67, onda londa oshihauto shokOvenduka. Okufika Okashana osha kandoma nomaulu a taalela pombada. Moshihauto omwa li mwa tulikwa mbakambaka. Ame onda li koshi yoitenda nde inandi pumwa nande koi-tenda. Konyala onda fya. Ohandi hambelele Tate Kalunga a xupifa nge. Tu longa shili okuvalula omafiku etu.

KOMBINGA YEKONAKONO.

Etsikilo: "OMOLWASHIKE AALONGWA OYENDJI ITAA PITI"

Dhimbulukwa wo kutya, omadhiladhilo gekonakono haku pula iinima mbyoka waahe yi shi. Wa dhimbulukwa ishewe kutya, ekonakono ohali shangwa shito, hangoye twi itoto oku li shanga, nohali pitwa koyendjilela. Ino kwatwa kuumbanda washa kala wa ngungumana, opo omadhiladhilo goye ga kale melandulathano mwaa-shoka to shi yamukula.

Sho to ya kongulu yekonakono, ila wiilongekidha nawalela. Ngele wa pewa ombapila yekonakono yomapulo (vraestel) yi lesa nawalela unene omalandulathano ngoka ge li petameko. Omanga ino tameka okushanga oshitya shotango, kala wa yeelwa nawa shili kutya, omupuli okwa pula shike. Ngele opu nompito yokuhogolola omapulo, ndhindhilika omapulo ngo wa hogolola eto tameke okushanga. Tameka tango omapulo ngoka omapu ngoka u uvite ko nawa ge ku yelela thiluthiu. Shika otashi ku pe einkele lyoye mwene, ngele wa shanga tango omapulo ngoka omapu. Tashi ti oto kala ngaa u na omukumo ngoka kutya, ou shi sha shi vulithe okuyamukula tango omapulo ngoka omadhigu waa uvite ko nawa. Ngoka naga hugunine, no we ke ga dhanena ngaa nduno, shaa u shi kutya, omakwawo owe ge enda nawa. Dhimbulukwa ishewe kutya, kaku na ekonakono tali ya ndele epulo kehe lya pulwa mo ou li uvite ko. Nena ngele oye ya li nomapulo agehe omapu nena ka li shi we ekonakono. Ekonakono haku tapa nenge okutombola, ihe okudhiladhila. Ano nando ou kale wiilonga nawa shi thike peni, oto pumbwa natango okudhiladhila nawa uuna to shanga.

Dhimbulukwa nawa onomola yepulo kehe. Kashi na nee mbudhi kutya, oto tameke nepulo lini, onomola yepulo kehe nayi kale ya nomolwa nawa pepulo mpoka yi nokukala. Omapulo ngoka waa uvite nawa ge etha manga eto tameke tango ngoka u vite nawalela, opo konima ngele wa mana thiluthilu oto vulu oku ga galukila ngele oku na ethimbo natango. Otashi vulika mokuyamukula epulo limwe li ili to dhimbulukwa sha shi na sha nepulo ekwawo ino li yamukula natango. Shoka wa dhimbulukwa shi ndhindhilika mbala kolungenge lwombapila mpoka to vulu okushi mona mbala nenge u shi ndhindhilike ponomola yepulo lyolyene ngele wa adhika we li nomola nale.

Oshiholekwa oshinene komunyoli kehe gwekonakono osho okudhimbulula mbala shoka sha pulwa nokuyamukula nomadhiladhilo ga yela epulo ndyoka. Ino hepitha ethimbo mepulo limwe molwaasho aniwa u li uvite ko nawa, lyo pamwe kali na iitsa oyindji mbyoka tayi gandjelwa eyamukulo ndyoka. Ano kokutya, itashi ku kwatha sha okuyamukula epulo lyiitsa 5 muule wominune 15 omanga epulo lyiitsa 10 to li yamukula muule wominute 10 ashike. Epulo ndyoka tali gandjelwa iitsa oyindji kambadhala okulongitha ethimbo lya gwana mulyo, opo u likole iitsa mbyoka. Oshoka ito piti molwaasho kepulo kehe wa nyola ko omikweyo dhimwe po ashike, ihe ongele epulo we li mana eto pewa iitsa mbyoka tayi gandjelwa epulo ndyoka.

Omunyoli kehe gwekonakono oku nokunyola te endebele, opo ethimbo lyaa pwepo ye inaa mana omapulo agehe ngoka e nokuyamukula. Otashi vulika ombapila yi na omapulo omapu, ihe sho waahe shi okunyola tweendebele omapulo gamwe oto ga thigi ko ethimbo ngele lya thiki lyokugandja oombapila dhoye komutaleli gwekonakono. Shaa tuu wiilonga okweendelela nena ompito yokweendulula omayamukulo goye oto ke yi mona ya gwana nawalela.

Otashi vulika wo wiilongekidhila ekonakono nawalela, ihe eto ka kala inoo pita. Ngele ino pita itashi ti ando shoka sha pulwa ku shi uvite ko, ihe owa nyengwa okumona nokudhimbulula omupuli shoka a hala. Shoka shi noshilonga okuleshulula epulo lyoye lwaali sigo lutatu, opo u kale wa yeelwa nawa kutya, omupuli okwa hala shike.

Dhimbulukwa ano oshinima sha hugunina mekonakono kutya, shoka u shi shi momutse gwoye, hasho tashi ke ku petha iitsa, ihe sho tashi ku petha iitsa nenge ndi tye tashi ku pititha, oshoka to tseyithile omutali gwombapila yoye. Shono ano to nyola mombapila osho ashike shinoshilonga, haa shoka to thigi momutse inoo shi nyola pombapila yekonakono. Pombapila ngele owa shanga po iinima inayyi yela, nena omutali ote ku pe naanaa iitsa pwaashoka shi li komeho ge mombapila. Natu kambadhaleni ano okwiilongekidhila ekonakono nawa, nokuyamukula shoka tashi pulwa kaapuli momakonakono. Lwahugunina ote ti wala ngeyi natango kutya, ilonga okunyolelela, ngweye ino kala u nuumbanda washa uuna to shanga, oshoka uumbanda owa fa ongeyo ohau yono oshindjilela, peha lyokwoopaleka.

FRANS A. IHHUWA

Ndilimeke Haihambo, Ondobe, okwa nyola ngaha: Ovaryasha, Kalunga ota hokwa omunyasha te li ufa keendjovo daye. Tu kaleni ovaryasha tava hokiwa kuTate Kalunga, unene eshi twa shiiva kutya, ounyuni owa twa kondongolondongo. Nge hatu tila Kalunga, ohatu kala nelao nde ohatu fimanekifa edina lOmwe. Ps. 119:9.

OMUBISHOFI A HALA OMBILI MUVIETNAM

Chicago. -Aartsbiskop waKantelberg, dr. Michael Ramsey, omukulu-nhu wovakriste omamiliyona, okwa popya moshongalele shimwe nde a lombwela nediviliko Amerika kutya, nava konge ombili muVietnam. Okwa ti okwa hala okumona oita oyo ya xula.

Efraim Kamuigo, Oshigambo, ota ti: Lesha oohapu dhekuno lyombuto muLuk. 8:4-15.-Ano sho ho yi komambo kongerki, hoka oohapu dhevangeligeli tadhi kunwa, oho zi ko tuu nokasha? Sho ho yi ko, oho yi tuu nembo? Nenge oho ti inga ndi ka tala momambo gooyakwetu? Ou li palupe lunipo? Ou na tuu omidhi? Nenge owa fa ombuto ndjiyaka ya gwile moshipale?

„OMUKWETU” oha zi mOniipa.- Omukuluntu gwoshifo/ Hoofredakteur: Omumbisofi Leonard Auala, amushanga gwoshifo/ Redakteur: Leonard M. Shemuvalula, Oniipa, Pk. Ondangwa.- Ondando komumvo mOwambo 60c, mUushimba nOkavango 80c. Oofuto nomambestelo naga tumwe kOmukwetu, Oniipa, Pk. Ondangwa.- Moka hashi nyanyangidhwa: FINSE SENDINGDRUKERY, OVAMBOLAND, S.W.A.